



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK

telefon: 035/668-650;

fax: 035/ 668- 672

Broj: 02-45-968/21

Čelić, 21.01.2022. godine

Alije Izetbegovića 60-2
75246 Čelić

Na osnovu člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14) člana 16. Pravilnika o postupku javnih nabavki roba, usluga i radova u Općini Čelić, broj: 02-45-901/21 od 16.03.2021. godine i člana 39. Statuta Općine Čelić („Službeni glasnik Općine Čelić“ broj:3/17), na Preporuku Komisije za nabavku broj: 02-45-968/21 od 21.01.2022. godine, u postupku javne nabavke „Nabavka usluge eksterne revizije općine Čelić“, Općinski načelnik donosi:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javnu nabavku broj: 02-45-968/21 od 21.01.2022. godine i Ugovor o nabavci usluge eksterne revizije općine Čelić dodjeljuje se ponuđaču „RECONS“ d.o.o. Sarajevo, ponuda broj: 1-8/22 od 17.01.2022. godine, protokolirana pod brojem: 02-45-968/21, zaprimljena dana 19.01.2022. godine, po ponuđenoj cijeni u iznosu od 12.800,00 KM bez PDV-a.

Član 2.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke dostavi originale ili ovjerene kopije dokumentacije navedene u Tenderskoj dokumentaciji broj: 02-45-968/21 od 28.12.2021. godine.

Član 3.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke.

Član 4.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14).

Obrazloženje

Postupak javne nabavke usluge eksterne revizije općine Čelić pokrenut je Odlukom o pokretanju postupka javne nabavke broj: 02-45-968/21 od 27.12.2021. godine. Predmetna javna nabavka provedena je putem konkurentskog zahtjeva za dostavu ponuda. Procijenjena vrijednost javne nabavke iznosila je 12.812,00 KM bez PDV-a. Obavještenje o nabavci broj: 306-7-2-122-3-38/21 objavljeno je na Portalu javnih nabavki dana 29.12.2021. godine. Poziv za preuzimanje tenderske dokumentacije u sistemu „E nabavke“ broj: 02-45-968/21 od 29.12.2021. godine putem pošte prosljeđen je sljedećim ponuđačima:

-“LAMIS” d.o.o. Srebrenik
-“RECONS” d.o.o. Sarajevo
-„POLAR“ d.o.o. Brčko

Komisija za javnu nabavku imenovana Rješenjem broj: 02-45-968/21 od 27.12.2021. godine, nakon provedenog postupka otvaranja ponuda u skladu sa članom 63. Zakona o javnim nabavkama („Službeni glasnik BiH“ broj: 39/14), dostavila je ugovornom organu – općinskom načelniku Zapisnik o pregledu i ocjeni ponuda broj: 02-45-968/21 od 20.01.2022. godine, Preporuku o izboru najpovoljnijeg ponuđača broj: 02-45-968/21 od 21.01.2022. godine i Izvještaj o radu komisije broj: 02-45-968/21 od 21.01.2022. godine.

U postupku po Izvještaju o radu je utvrđeno da je Komisija za javne nabavke blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku javne nabavke pristigla jedna ponuda i to: „RECONS“ d.o.o. Sarajevo,
- da je blagovremeno primljena jedna ponuda,
- da nije bilo neblagovremeno primljenih ponuda,
- da ponuda „RECONS“ d.o.o. Sarajevo ispunjava sve kvalifikacione uslove predviđene Tenderskom dokumentacijom, te je ocijenjene kao kvalifikovana i prihvatljiva,
- da je ponuda „RECONS“ d.o.o. Sarajevo ocijenjena najpovoljnijom.

Pregledom i ocjenom ponude nisu uočene računске greške kod ponuđača. Tenderskom dokumentacijom je predviđeno provođenje e-aukcije. Obzirom da je do krajnjeg roka za prijem ponuda u predmetnoj nabavci pristigla samo jedna ponuda koja je prihvatljiva, to je ugovorni organ postupio u skladu s članom 69. Zakona o javnim nabavkama („Sl. glasnik BiH“, broj:39/14).

Komisija je nakon ocjene ponude dana 21.01.2022. godine dala preporuku ugovornom organu da ugovor o nabavci usluge eksterne revizije općine Čelić zaključi sa ponuđačem „RECONS“ d.o.o. Sarajevo sa ponuđenom cijenom u iznosu od 12.800,00 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Iz navedenih razloga, primjenom člana 64. stav (1). tačka b) Zakona o javnim nabavkama Bosne i Hercegovine („Službeni glasnik BiH“ broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

Uputstvo o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.

Dostavljeno:

1. Ponuđaču
2. Komisiji za nabavke
3. Službi za računovodstvene, poslove trezora, privredu i razvoj
4. Za općinsku web stranicu
5. Evidenciji
6. Arhivi



OPĆINSKI NAČELNIK

Admir Hrustanović